

A P P E N D I X  
D O C V M E N T O R V M  
I N E D I T O R V M.

Litera A.

*Eerste Memoriaelboek van den Hove van Hol-  
land van den Griffier B. Ernst, folio  
p. 212. verso.*

1559.  
9. Aug.

Commissie van den Deurluchtigen Hooch-Geboe-  
ren Vorst, den Prince van Oreinges, als Stad-  
houder ouer Hollant, Zeelant ende Vrieslandt,  
enz.

**P**hilippe par la grace de Dieu Roy des Castille de Leon, darragon de Na-  
uarre de Naples de Sicille de Maillorque de Sardaine des Isles Indes & terre  
ferme de la mer Occane, Archiduc d'austrice duc de Bourgoigne de Lothier de  
Brabant, de Lembourg de Luxembourg de Geldres & de Milan Conte de Habs-  
bourg de Flandres d'artoy de Bourgoigne Palatin & de Haynnau, de Hol-  
lande de Zeelande de Namur & de Zutphen Prince de Zwaue Marquis du  
Sanct empire Seigneur de Frise de Salins de Malines, les cite, Villes & pays  
d'Utrecht d'Ouerissel de Groeningen & dominateur en Asie & en Affricque.  
A tous ceulx qui ces presentes verront salut. Scauoir faisons, que conside-  
rans les bons leaulx, notables & agreables Seruices, que notre treschier &  
feal cousin, cheualier de nostre ordre Conseiller de stat, & Chambellan, Mes-  
sire GUILLAME DE NASSAU, prince d'oranges, conte dudit Nassau,  
&c. ha fait par plusieurs annees a feu de tresheureuse memoire Lempereur  
Monseigneur & tres aime pere, a cuy Dieu face misericorde, & depuis a nous  
fait en la derniere guerre contre france en estat de Lieutenant & Capitaine  
General de notre armee que vultrement & fait journellement en diuerses ma-  
nieres, nous jcelluy prince d'oranges confians entierement de ses prudence vail-  
lance & experience, Auons retenu, commis, ordonne & estably, retenons,  
connecons, ordonnons & etablissions par ces presentes en estat de Gouverneur  
& Lieutenant General de nos Contez de Hollande, Zeelande & pays d'U-  
recht, frize occidentale, Voorne & la brille terres adjacentes & annexees  
ausdits contez de hollande & Zeelande. Et ce au lieu de feu nostre cousin  
Messire, Maximilien de Bourgoigne Marquis de la Vere dernier possesseur d'i-  
celluy estat naguaires decede. En donnant audit Prince d'oranges plain pou-  
voir auctorite & mandement especial dudit estat DE GOUVERNEUR &

A

LIEU-

LIEUTENANT GENERAL susdit dorenavant tenir, exercer & deffendre, de y garder nos droitz haulteur & seigneurie, de faire dresser & conduire le bien desdits pays & de nos subjects en iceulx & de les garder & deffendre de toutes foulles & oppressions, de y faire administrer droit Raison & justice a tous ceulx & celles qui len requeront, de faire expedier de peschier & executer toutes provisions de justice a laduis de nos amez & feaulx les premier conseilier & aultres de nostre conseil en hollande & dutrecht. Renouveler les Bourgemaitres, escheuins & loix ou mestier sera, comme lon est accoustumé de faire danchiennoté, de faire faire guett & garde es villes & forts desdites terres. Asssembler les estats quant besoing sera pour la garde tuition & deffence dicelles & au surplus faire bien & deurement toutes & singulieres les choses, que bon & feal Gouverneur & Lieutenant General susdit peut & doit faire. Et que audit estat competent & apartiennent danchiennoté Le tout en la mesme forme & maniere & en telle autorité prerogative & preeminence que ledit feu Marquis de la Vere & aultres predecesseurs les ont tenuz & en ont jouy & usé en leurs temps, Aux gaiges, honneurs, prerogative, preeminence, libertez, franchises, droitz, prouffitz & emolumens accoustumez & y appartenant. Tant quil nous plaira. Surquoy ledit prince doranges sera tenu faire le serment a ce deu & pertinent es mains de nostre Regente & Gouvernante generale de noz pays de pardega. Si donnons en mandement a nosdit premier Conseilier & Gens de nostre dit Conseil & de noz Comptes en Hollande, aux Prelatz Nobles, vassaulz & autres representans les estats, Et a tous autres noz justiciers & officiers de nosdits pays de Hollande de Zeelande frize occidentale, Utrecht, la Brille & Poorne que nostre dit Cousin le Prince doranges ilz tiennent & reputent pour Gouverneur & Lieutenant General desdits pays, luy portent tout honneur & reuerence & en toutes choses concernant le fait, conduite & exercice dudit estat & ce quen depend luy obeissent & facent adresse & assistance comme a nous meismes. Et au surplus le facent seuffrent & laissent dicelluy estat, ensemble des Droitz, honneurs, prerogatiues preeminences libertez franchises prouffitz & emolumens susdits plainement & paisiblement joyer & user. Cessans tous contredictes & empeschemens, Mandons en oultre a nostre Rentmaitre de Hollande au quartier de Noordhollande ou autre nostre Receueur present & auenir qui les gaiges audit estat appartenans a accoustumez payer, il paye baille & deliure dorenavant chacun an a nostre dit Cousin le Prince d'Oranges ou a son Command pour luy. Aux termes a commencer. & tant quil nous plaira comme dict est. Et par rapportant cesmesmes presentes vidimus ou Copie autentique dicelles pour vne & la premiere fois & pour tant de fois que mestier sera quitance souffisante de nostre dit Cousin le Prince d'Oranges sur ce servant tant seulement. Nous voulons tout ce que paye baille & deliure luy aura este a la cause dicte estre passé et alloué es comptes et rabatu de la recepte de nostre dit Rentmaitre de Hollande audit quartier de Noordhollande ou autre nostre Receueur present et auenir qui payé l'aura, par lesdits de nos comptes. Ausquels mandons dainsi le faire sans difficulté car ainsi nous plaist il, non obstant quelconques ordonnances mandemens restrictions ou deffences a es contraires. En tesmoing de ce nous avons fait mettre nostre feal a ces  
pre-

presentes, Donné en nostre ville de gand le neufiesmes jour d'aougst lan de grace mil cinq cens cinquante neuf de noz Regnes assavoir des Espaignes Sicille etc. le quatriesme et de Naples le sixiesme. Sur la plique avoit escript. Par le Roy. Soubssigne Van der Aa. Sur le doz estoit escript. Au jourdhuy vingt huictiesme jour daoust XV<sup>e</sup>. Cinquante neuf. Mesfire GUILLAME DE NASSAU Prince d'Oranges &c. Denommé au blancq de cestes ha fait le serment deu et pertinent de lestat de Gouverneur et Lieutenant General des pays de Hollande, Zeelande, Utrecht etc. dont audit blancq est fait mention, et ce es mains de ma Dame la Duchesse de Parme Regente et Gouvernante Generale etc. Ace Commise par sa Majeste en la ville de Gand les jours et an que dessus. Moy present. Et soubssigné Van der Aa.

## Litera B.

**I**nstruction pour le Prince Doranges Conte de Nassau &c. Chevalier de l'ordre &c. Commil se aura a conduyre & regler au Gouvernement des pays de Hollande, de Zeelande, de Westfrize & Dutrecht, La Briele & Voorne, auquel le roy l'a commis & institué. (1)

## Litera C.

A. 1559.  
d. 8 Aug.

Tweede, of meer byzondere, Instructie van den Stadhouder WILLEM Ie. en den Rade van Holland, op t stuk der Religie, door den Coninck, anno 1559. d. 8. Aug.

Eerste Memoriaalboek van den Hove van Holland, van B. Ernst f<sup>o</sup>. ccxiv.

„ Missive van der Coninglicke Majesteit an „ den Stadthouder, roerende die Religie.”

By den Conynck.

**E**del welgheboren neue ende lieue getrouwe.

Al eest zoo, dat wy voor ons vertrecken van deesen onsen nederlanden,  
nae

(1) Hanc primam (& capitalem Instructionis Formulam quum iam ante me ediderit WAGEN. *Beschryv. van Amsteldam*, in Docum. ad Tom. III. pag. 482. propterea omittere hinc consultum duxi. Inedita altera, quae de Religione agit, nunc sequitur.